

Matang natatakot
Luhang nakabalot
Puso'y napapagod
Isip ay umiikot
Sa imaheng nais kong matunton

Meron pa kayang hangganan
Ngiting mapanlinlang

Dahil ayaw kong tumingin sa salamin
At mapagtantong mahirap ngang tanggapin
Ang 'sang tulad kong paulit-ulit na pinipilit
Maging sapat gawin man ang lahat

Kailan kita masisilayan
At kakayanang pagmasdan

Laging gumuguhit
Sa brasong namamanhid
Tuluyang inuukit sa isip
Na mas kakayaning manatili sa dilim

Dahil ayaw kong tumingin sa salamin
At mapagtantong mahirap ngang tanggapin
Ang 'sang tulad kong paulit-ulit na pinipilit
Maging sapat gawin man ang lahat

Kailan kita masisilayan
At kakayanang pagmasdan

Puro sugat at hiwa'ng aking paningin
Dulot ng bawat maling nakikita sa 'kin
Sinubukan ko mang iwasan ang salamin
Aking damdamin ay puro bubog pa rin

Dahil ayaw kong tumingin sa salamin
At mapagtantong mahirap ngang tanggapin
Ang 'sang tulad kong paulit-ulit na pinipilit
Maging sapat gawin man ang lahat

Kailan kita masisilayan
At kakayanang pagmasdan

Dahil ayaw kong tumingin
Ayaw ko
Pagod na 'kong tumingin
At makita ang hindi ko kayang mahalín